



KEMENTERIAN SUMBER MANUSIA

SIARAN MEDIA

KESUMA HULUR BANTUAN SEMPENA HARI RAYA AIDILFITRI 2024 KEPADA MASJID, SURAU DAN PARA ASNAF DI PULAU PINANG

Pulau Pinang - Menteri di Sumber Manusia (KESUMA) merangkap Ahli Parlimen Bukit Mertajam berbesar hati memberi sumbangan kepada masjid dan surau serta 700 bakul makanan kepada golongan asnaf di seluruh kawasan Pulau Pinang hari ini.

Program yang berjalan selama dua hari dan bermula di kawasan Parlimen Bukit Mertajam berjaya menceriakan penduduk di sekitar Bukit Mertajam selain membantu masjid dan surau menambah dana bagi kegunaan harian dan aktiviti-aktiviti bagi penduduk setempat.

Antara masjid dan surau yang menerima adalah Masjid Balik Bukit, Masjid Kampung Tasek Junjung di Bukit Mertajam, Masjid Haji Saad Permatang Pauh, Surau Taman Sri Janggus, Surau Salman Al-Farisi dan beberapa surau- di kawasan sekitar Pulau Pinang.

Menteri KESUMA, YB Steven Sim Chee Keong yang mengetuai sumbangan ini berkata sumbangan ini amat bermakna bagi meringankan beban golongan asnaf menjelang sambutan Aidilfitri tahun ini. Setiap masjid dan surau menerima RM10,000 bantuan.

Selain daripada itu, Steven Sim juga turut menyumbang 700 bakul makanan bernilai RM150 kepada golongan asnaf. Antara barang-barang yang disumbangkan adalah beras, minyak masak, sos cili, tin sardin dan barangan masakan yang lain. Ini sedikit sebanyak dapat mengurangkan beban bagi menyambut Hari Raya Aidilfitri, kata Steven Sim lagi. Kos seluruhan sumbangan bernilai RM200,000.00.

**KEMENTERIAN SUMBER MANUSIA (KESUMA)
4 APRIL 2024**